

Қазақстан Республикасы Үкіметінің 2004 жылғы 17 тамыздағы N 863 қаулысына өзгеріс енгізу туралы

Күшін жойған

Қазақстан Республикасы Үкіметінің 2006 жылғы 24 қазандағы N 1019 Қаулысы. Күші жойылды - Қазақстан Республикасы Үкіметінің 2015 жылғы 28 қыркүйектегі № 802 қаулысымен

Ескерту. Күші жойылды - ҚР Үкіметінің 28.09.2015 № 802 қаулысымен (алғашқы ресми жарияланған күнінен кейін күнтізбелік он күн өткен соң қолданысқа енгізіледі).

Қазақстан Республикасының Үкіметі **ҚАУЛЫ ЕТЕДІ :**

1. "Агент пен сақтандырушының арасында жасалатын сақтандыру төлемдерін ішінара өтеу тәртібі мен талаптары туралы шарттың үлгі нысанын бекіту туралы" Қазақстан Республикасы Үкіметінің 2004 жылғы 17 тамыздағы N 863 қаулысына (Қазақстан Республикасының ПҮКЖ-ы, 2004 ж., N 30, 405-құжат) мынадай өзгеріс енгізілсін:

агент пен сақтандырушының арасында жасалатын сақтандыру төлемдерін ішінара өтеу тәртібі мен талаптары туралы шарттың үлгі нысаны осы қаулыға қосымшаға сәйкес редакцияда жазылсын.

2. Осы қаулы қол қойылған күнінен бастап қолданысқа енгізіледі және ресми жариялануға тиіс.

Қазақстан Республикасының

Премьер-Министрі

Қазақстан Республикасы
Үкіметінің
2006 жылғы 24 қазандағы
N 1019 қаулысына

қосымша

Қазақстан Республикасы
Үкіметінің
2004 жылғы 17 тамыздағы
N 863 қаулысымен

бекітілген

Агент пен сақтандырушының арасында жасалатын сақтандыру төлемдерін ішінара өтеу тәртібі мен талаптары туралы шарттың үлгі нысаны

200_ жылғы "___" _____ N_____ қаласы

Бұдан әрі "Агент" деп аталатын _____ атынан Жарғы негізінде әрекет ететін басқарма төрағасы _____ бір тараптан және бұдан әрі "Сақтандырушы" деп аталатын _____ атынан Жарғы, 200 жылғы "___" _____ "жалпы сақтандыру" саласы бойынша сақтандыру қызметін жүзеге асыру құқығына берілген лицензия негізінде әрекет ететін _____ екінші тараптан, бұдан әрі "Тараптар" деп аталатындар мына төмендегілер туралы осы шартты жасасты.

1. Шарттың мәні

1. Сақтанушылар заңнаманың талаптарын және осы шарт бойынша міндеттемелерді орындаған жағдайда оған қолайсыз табиғат құбылысының салдарынан туындаған өсімдік шаруашылығындағы міндетті сақтандыру шеңберіндегі сақтандыру жағдайлары бойынша сақтанушыларға белгіленген тәртіппен төленген соманың бір бөлігін Сақтандырушыға өтеу.

2. Өзара есеп айырысу тәртібі мен талаптары

2. Өсімдік шаруашылығындағы міндетті сақтандыруды мемлекеттік қолдау өсімдік шаруашылығы саласындағы уәкілетті мемлекеттік органға тиісті қаржы жылына арналған республикалық бюджет туралы заңда айқындалатын бюджет қаражатын бөлу жолымен, қолайсыз табиғат құбылыстарының салдарынан туындаған сақтандыру жағдайлары бойынша сақтандырушыларға сақтандыру төлемінің елу пайызын өтеу үшін және агенттің қызметіне ақы төлеу үшін жүзеге асырылады.

3. Агент Сақтандырушыға өсімдік шаруашылығындағы міндетті сақтандыруды қолдау үшін бөлінген қаражат есебінен мына төмендегі барлық жағдайлар басталғанда сақтандыру төлемдерінің бір бөлігін өтеуді жүргізеді:

сақтандыру жағдайы басталған және өсімдік шаруашылығындағы міндетті сақтандыру туралы шартқа сәйкес Сақтандырушы Сақтанушы алдындағы сақтандыру төлемі бойынша міндеттемелерді толық орындаған жағдайда;

осы шарттың 4-тармағында көзделген, сақтандыру жағдайының басталуын және Сақтандырушының сақтанушыға нақты жүргізілген сақтандыру төлемдерін растайтын құжаттарды Сақтандырушы міндетті түрде ұсынған кезде.

4. Жүргізілген сақтандыру төлемінің бір бөлігін Агенттің өтеуі Сақтандырушыдан мынадай құжаттарды қоса бере отырып, жазбаша өтініш алынған сәттен бастап жеті жұмыс күні ішінде жүргізіледі:

1) өсімдік шаруашылығындағы міндетті сақтандыру шартының нотариалды куәландырылған көшірмесі;

2) жүргізілген сақтандыру төлемін растайтын құжаттар (төлем тапсырмасы -

түпнұсқа, сақтандырушының мөрімен куәландырылған шығыс ордерінің тел н ұ с қ а с ы) ;

3) сақтандыру төлемін сот шешімі бойынша жүзеге асырған жағдайда күшіне енген сот шешімінің көшірмесі қоса беріледі;

4) егіс ішінара жойылған жағдайда сақтандырушы куәландырған бағалау кірісін бағалау туралы құжаттың көшірмесі.

4-1. Қазақстан Республикасының заңнамасында белгіленген талаптарға осы шарттың 4-тармағында көзделген құжаттардың сәйкессіздігі анықталған жағдайда көрсетілген құжаттар сақтандырушыға ескертулерді жою үшін қайтарылады. Бұл ретте Сақтандырушыға жүргізілген сақтандыру төлемінің бір бөлігін өтеу мерзімі Агент құжаттарды қайта алған сәттен бастап есептеледі, бірақ жеті жұмыс күнінен аспауы тиіс.

4-2. Сақтандырушы сақтандыру төлемінің мөлшерін айқындаудың дұрыстығына жауапты болады.

3. Агенттің құқықтары мен міндеттері

5 . А г е н т т і ң :

1) Сақтандырушы Агентке көрінеу жалған мәліметтерді хабарлаған және (немесе) берген жағдайда Сақтандырушыға жүргізілген сақтандыру төлемінің бір бөлігін өтеуден бас тартуға;

2) Сақтандырушыдан өз құқықтары мен міндеттерін іске асыру үшін қажетті ақпаратты, оның ішінде сақтандыру құпиясы бар мәліметтерді сұратуға құқығы бар .

6 . А г е н т :

1) Сақтандырушылар мен сақтанушыларға өсімдік шаруашылығы өнімдерінің белгілі бір түрін өндіруге арналған шығындардың Қазақстан Республикасының Үкіметі бекіткен нормативтері туралы ақпаратты жеткізуге;

2) қолайсыз табиғат құбылыстарының әсеріне ұшыраған өсімдік шаруашылығы өнімі өндірілетін алқаптардың көлемін анықтау жөніндегі жұмысты қолайсыз табиғи құбылысы басталған жағдайда комиссия құрамында жү р г і з у г е м і н д е т т і .

7. Агенттің Қазақстан Республикасының заңнамасында өзіне жүктелген өзге де міндеттері бар.

4. Сақтандырушының құқықтары мен міндеттері

8. Сақтандырушы осы шарттың талаптарында Агенттен өсімдік шаруашылығындағы міндетті сақтандыруды қолдау үшін бөлінген қаражаттан сақтандыру төлемінің бір бөлігінің өтемін алуға құқылы.

9 . С а қ т а н д ы р у ш ы :

1) өсімдік шаруашылығындағы міндетті сақтандыруды жүргізу жөніндегі статистиканы жүргізу мен жинауға және оны Агентке оның талабы бойынша

б е р у г е ;

- 2) сақтандыру құпиясын қамтамасыз етуге;
- 3) өзі тартқан бағалаушының (тәуелсіз сарапшының) қызметіне ақы төлеуге;
- 4) жүргізілген сақтандыру төлемі мен оның мөлшеріне қатысты барлық сот шешімдері және (немесе) айқындаулар туралы олар шығарылған күннен бастап үш күн мерзімде Агентті хабардар етуге;
- 5) қолайсыз табиғат құбылыстары басталған кезде қолайсыз табиғат құбылыстарының әсеріне ұшыраған алқаптарды анықтау жөніндегі зерттеулерді жүргізу үшін Сақтандырушының өтініші бойынша жергілікті атқарушы орган құрған комиссия құрамына өзінің өкілін жіберуге міндетті.

10. Сақтандырушы апта сайын Агентке осы шартқа қосымшаға сәйкес электронды және қағаз тасығыштарда міндетті сақтандыру шарты жасалған айдан кейінгі айдың 5-ші күнінен кешіктірмей күшіне енген міндетті сақтандыру шарттары туралы ақпарат береді.

11. Сақтандырушының Қазақстан Республикасының заңнамасында көзделген өзге де құқықтары мен міндеттері бар.

5. Өзге де шарттар

12. Осы шарт бойынша барлық даулар заңнамада белгіленген тәртіппен шешіледі.

13. Осы шарт тараптардың әрқайсысы үшін бір-бірден екі данада жасалды.

14. Шарт тараптар қол қойған сәттен бастап күшіне енеді және оны жасаған күннен бастап он екі ай бойы қолданыста болады.

6. Тараптардың деректемелері

Сақтандырушы:

Агент:

200__жылғы "__"_____ N__
агент пен сақтандырушының
арасында жасалатын
сақтандыру төлемдерін
ішінара өтеу тәртібі мен
талаптары туралы

ақпарат

**Облыстар, аудандар, сақтанушылар бөлінісінде күшіне
енген өсімдік шаруашылығындағы міндетті сақтандыру/
шарттары туралы ақпарат (_____ жылғы жағдайы бойынша)**

№	Облыстың, ауданның,	Шарттың нөмірі	Ш а р т бойынша жалпы сақтандыру сыйлығының	Ш а р т бойынша жалпы сақтандыру	Барлық сақтандырылған алаң(га)	Оның ішінде				
						Д ә н д і (га)		М а й л ы (га)		Қантқы (га)
							Оның ішінде		Оның ішінде	

N	сақтанушының атауы	және күні	сомасы, теңге	сомасы, теңге		Барлығы (га)	Дақыл атауы	Барлығы (га)	Дақыл атауы	
1	2	3	4	5	6	7	8	9	10	11
1										
2										
3										
	Аудан бойынша барлығы									
	Облыс бойынша барлығы									

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК